

समा. 09.20 Hrs

Headlines

जम्मू-कश्मीर नै 69मीं राश्ट्री स्कूली खेड़ें च जागतें दे अंडर-19 ताइक्वांडो मुकाबलें च 8 तगमे जित्तियें अक्वल थाहर हासल कीती ऐ।

CM Terrorism

मुख्यमंत्री उमर अब्दुल्ला हों आखेआ ऐ जे जम्मू-कश्मीर दे बसनीक आतंकवाद दा समर्थन
 नई करदे न। उनें आखेआ जे छड़े किश ऐसे समाजी-बरोधी तत्व न, जेहड़े खिते दा रमानदारी
 ते सदभाव आहला म्हौल बगाड़ने दी भैड़े कोशशां करदे रौहद न।

दिल्ली च होए दे कार बम्ब धमाके बारै इक मीडिया कर्मी आसेआ पुच्छे गेदे सोआला दा परता दिंदे होई मुखमंत्री होरें आखेआ जे इस गैर-मनुखी हरकत दे दोषिणं गी पक्क गै कानून दे दायरे तैहत ऐसी सजा दिती जानी लोड़चदी ऐ जेहड़ी होरनें लेई बी इक मिसाल होऐ। उंनें आखेआ

<><><><><><>

CM JDA

मुखमंत्री उमर अब्दुल्ला होरें सिविल सैक्रेटेरिएट च जम्मू विकास प्राधिकरण दे डरैक्टरें दे बोर्ड दी 90मीं बैठक दी प्रधानता कीती। इस मौके पर केई महत्वपूर्ण मामलें पर चर्चा कीती गई जिंदे च माली बरें 2024-25 लेई नमें सिरेया तैयार अंदाजे ते माली बरें 2025-26 लेई बजट प्रस्तावें पर चर्चा मुख तौर पर शामिल ही। तगड़े माली प्रबंधन ते परियोजनाएं गी बेल्ले सिर तोड़ चाढ़ने दी जरूरतें पर जोर पांदे होई मुखमंत्री होरें शैहरी खेतरे च ढांचागत विकास ते जम्मू च सार्वजनिक सुविधाएं दी दस्तयाबी दे निर्देश दिते। जे.डी.ए गी आखेआ गेआ जे ओह योजनाबद्ध ढंगेनै शैहरी विकास लेई संसाधनें दा उचित इस्तेमाल करै तांजे ऐल्लै जारी परियोजनाएं ते भविक्ख दे प्रोजेक्टें दी असरदार अमल-आवरी जकीनी बनाई जाई सकै।

<><><><><><>

Vote Counting

नगरोटा ते बडगाम विधानसभा हलकें लेई वोटें दी गिनतरी अज्ज बड़डलै सख्त सुरक्षा बंदोबस्ते हेठ शुरु होई गई ऐ। नगरोटा असेम्बली सीट आस्तै वोटें दी गिनतरी सरकारी पालिटैक्निक च कीती जा रदी ते सब्भै बंदोबस्त पूरी तगड़ेआई कन्नै कीते गेदे न। इस हलके च 74 फीसद कोला मता मतदान होआ हा ते 10 मेदवार इस उपचुनां च अपनी किस्मत आजमा रदे न। जम्मू दे डिप्टी कमीशनर राकेश मिन्हास इस होरें मती जानकारी दिंदे होई आखेया.....

बडगाम च बी 17एं मेदवारें बशकार कड़ा मुकाबला ऐ- हालांकि पिच्छले बरे होए दे विधानसभा चुनाएं च 52 अशारिया 27 फीसद मतदान दे मुकाबले इस उप-चुनां च मतदान दा प्रतिशत किश घट्ट हा। जियां-जियां वोटें दी गिनतरी अगड़ी बधोग- उआं-उआं नतीजें ते रुझान सामने औने दी मेद ऐ।

<><><><><><>

Sopore Hybrid Terrorists

जम्मू-कश्मीर पुलसै, होरनें सुरक्षाबलें कन्नै सोपोर दे मूमीनाबाद इलाके च चलाए गेदे इक सांझे अभियान दरान द'उं हाइब्रिड आतंकवादिएं गी गिरफ्तार कीता ऐ। कश्मीर ज़ोन पुलस आसेआ एक्स पर सांझी कीती गेदी जानगारी मुजब गिरफ्तार कीते गेदे हाइब्रिड आतंकवादिएं दी पन्छान शब्बीर नजर ते शब्बीर मीर दे तौर पर कीती गई ऐ। पुलसै, इंदे कब्जे शा थेहार, गोला-बरूद ते किश ऐतराज़-जोग समेयान बी बरामद कीता ऐ। सुरक्षाबलें गी हासल होई दी पक्की सूह दी बिनाह उप्पर इस अभियान गी अंजाम दिता गेआ ऐ ते हुन अगड़ी तफ्तीश जारी ऐ तांजे इ'नें दौनें दिएं भैड़ी गतिविधिएं बारै होर जानकारी हासल कीती जाई सकै।

<><><><><><>

Prog. Announcement

आकाशवाणी दा क्षेत्रीय समाचार एकांश 'विश्व मधुमेह दिवस' दे मौके पर 30एं मिन्टें दी इक विशेष चर्चा प्रसारित करने जा'रदा ऐ जेहदा विषे ऐ डायबीटीज, इट्ज़ काजिज, सिम्पटम्ज़ एण्ड प्रिवेंशन यानि मधुमेह एहदे कारण, लक्षण ते एहतियाती उपास।

अज्ज दपैहरी ढाई बजे प्रसारित होने आहले इस विशेष कार्यक्रम च स्हाड़े मेहमान होडन जम्मू मेडिकल कॉलेज च एंडोक्रिनोलोजी विभाग दे अध्यक्ष डॉ. सुमन कोतवाल जेहड़े शुगर रोग बारे जानकारी श्रोताएं कन्नै सांझी करडन। इन्दे कन्नै गल्लबात मेरे यानि विजय बजाज आसेया कीती जाहग। एह् कार्यक्रम तुस स्हाड़े इस्सै चैनल पर मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर सुनी सकदे ओ।

<><><><><><>

Vande Matram. Val. Fctn

भारत सरकार दा संस्कृति मंत्रालय जम्मू-कश्मीर दे संस्कृति विभाग ते स्कूली शिक्षा विभाग दे सैहयोग कन्नै अज्ज जम्मू दे एम.ए स्टेडियम च वंदे मातरम दे 150 बरे पूरे होने दे मौके पर समापन समारोह दा आयोजन करा रदा ऐ। उपराज्यपाल मनोज सिन्हा होर मुख परौहने दे तौरा पर इस कार्यक्रम च हिस्सा लैगंन। नागरिकें गी इस समारोह च शामिल होने लेई साद्दा दिता गया ऐ- जेहदा मकसद एकता- देशभक्ति ते राष्ट्रीय गौरव दी भावना दा सम्मान करना ऐ- जेहदा मकसद वंदे मातरम जनेह प्रतिष्ठित देशभक्ति गीत दी स्थाई विरासत गी दर्शादा ऐ।

<><><><><><>

Midnight Marathon

खेड्ढ मंत्री सतीश शर्मा होरें कल 15 नवम्बर गी जम्मू दे मौलाना आजाद स्टेडियम च होने आहली जम्मू मिडनाईट मैराथन दे त्रीये संस्करण लेई अधिकारिक जरसी जारी कीती। आयोजकें दी सराहना करदे होई मंत्री होरें तंदरुस्ती, युवाएं दी भागीदारी ते सामुदायिक एकता गी बढ़ावा देने च मैराथन दी भूमिका पर लोs पाई। जम्मू-कश्मीर खेड्ढ काउंसल आसेआ आयोजित कीते जा'रदे इस कार्यक्रम च सबनें स्तरें लेई बक्ख-बक्ख श्रेणिएं च द्रौड़ें दा आयोजन कीता जाहग।

एह मैराथन शैहरा दिएं मुख् थाहरें चा होइयै लंगघग। इस मैराथन च हिस्सा लैने लेई लोक अधिकारिक इंस्टाग्राम हैंडल दे राहें जां फही इ'नें टेलीफोन नम्बरें दे राहें पंजीकरण करोआई सकदे न। नम्बर इस चाल्ली न : 9596798743-7006095269.

<><><><><><>

NSG -Taekwondo

बड़े गर्व दे इक पल च जम्मू-कश्मीर नै 69मीं राष्ट्रीय स्कूल खेड्डें दे अंडर-19 जागतें दी ताइक्वांडो चैम्पियनशिप च ओवर ऑल चैम्पियनशीप दा खिताब जित्तियै इतिहास रची दिता ऐ। चैम्पियनशिप जम्मू दे इंडोर खेड्ड परिसर भगवती नगर च आयोजित कीती गई। जम्मू-कश्मीर दी टीम शानदार प्रदर्शन करदे होई 2 सुन्ने दे- 2 चांदी दे ते 4 कैंह दे तगमें समेत कुल 8 तगमे जिते ते 36 अंक हासल करियै चैम्पियन बनी गई। हरियाणा नै 3 सुन्ने ते इक चांदी दा तगमा ते 26 अंक हासल करियै उपविजेता रेहा- जिसलै के केन्द्रीय विद्यालय संगठन नै 2 सुन्ने दे तगमे ते 14 अंक हासल करियै त्रिया थाहर हासल कीता। जम्मू-कश्मीर युवा सेवाएं ते खेड्डें दी महानिदेशक अनुराधा गुप्ता होरें केन्द्र शासित प्रदेश दी टीम दे प्रदर्शन दी सराहना करदे होई आखेया.....

<><><><><><>

Asmita –Pencak Silat

अस्मिता खेलो अंडिया पैनचा सिलेट महिला लीग दा आयोजन भारती खेड्ड प्राधिकरण दे तैहत विजयपुर दे एम.वी. इंटरनैशनल स्कूल च कीता गया। इस लीग च जम्मू खिते दे बक्ख-बक्ख मन्ने-परमन्ने दे संस्थानें दे 350 कोला मतियां प्रतिभाशाली युवा महिला एथलीटें हिस्सा लैता- जिनें इंडोनेशिया दी रिवायती मार्शल आर्ट पैनचा सिलेट च शानदार हुनर दस्सेया। समारोह च

खेलो इंडिया दे निदेशक मोहन लाल शर्मा शामिल होए। मीडिया कन्ने गल्ल करदे होई कार्यक्रम दे आयोजके आखेया.....

<><><><><><>